



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 25. Renuente Comite urbs a Gallis obsessa, captaque.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.

A.C. 1563.

§. XXIV.

*Varvicensis Comes ad reddendum
Gratiæ portum a Rege
sollicitatus.*

*Thu. l. 35.
n. 3.*

Postmodum de recuperando Gratiæ Portu, quem Calvinistæ anno prioris Anglis tradiderant, agebatur; id enim inter ceteras pacis conditiones promissum erat: itaque Rex Tubicinem eo misit, qui a Varvicensi Comite hujus oppidi Governatore urbem tradi peteret. Verum Comes respondit, quod mandata Angliæ Reginæ Dominæ suæ expectare cogeretur, cum hanc urbem ejus nomine tueri, ac contra omnes, qui eam aggredi molirentur, propugnare jussus esset: de reliquo autem se paratum declarabat, quod ipse, omnesque ceteri, qui cum ipso essent, potius vitam prodigere, quam deditionem facere vellent. Accepto hoc responso die sexta Julii bellum Elisabethæ Angliæ Reginæ nuntiabatur.

§. XXV.

*Renuente Comite urbs a Gallis ob-
sessa, captaque.*

*Mem. de
Castell. l. 5.
c. 2.*

Regina Franciæ Administratrix ambas contendentium partes tanta dexteritate ad concordiam revocabat, atque

Sæcul. XVI.
A.C. 1563

atque eo inducebat, ut certatim ad recuperandum Gratiae Portum operam suam mutuo impenderent: quapropter si Catholicis inchoatæ obsidionis honor debetur, Calvinistis ea gloria denegari non valet, quod in obsidionalibus fossis cum ingenti fortitudine decertarint; nam solus Archithalassus, qui ad alios casus Anglorum amicitiam sibi conservare satagebat, huic obsidioni interesse renuit: nihilominus Gratiae Portus die vigesima Julii obsessus die vigesima octava ejusdem Mensis deditioe facta ab Anglis redditus fuit, sequentibus hisce conditionibus. I. Varvicensis Comes urbem cum omnibus belli tormentis, annona, ceteroque apparatu, quem Angli in suo ingressu repererant, Montmorentio Connestabili tradat. II. Pariter omnia navigia, quæ vel ad Regem, vel ejus subditos pertinent, unacum suo apparatu, mercibus, aliisque rebus ad Gallos attinentibus relinquat. III. Eodem momento major turris Connestabili cedatur, ibidemque Galli præfidiarii imponantur, qui tamen nec urbem ingredi, nec Franciæ vexilla ibidem erigere poterunt. IV. Porta, quæ urbem respicit, traditis quatuor obsidibus Varvicensi Comiti relinquatur. V. Altera die mane ex Portus propugnaculo, quod Connestabili tradetur, mili-

Sæcul XVI.
A.C. 1563.

milites egredientur. VI. Utrinque capti absque lytro liberi dimittantur. VII. Comiti, Anglisque, qui in urbe morantur, inde cum omnibus ad se spectantibus discedendi libertas concedetur. VIII. Abibunt intra sex dierum spatium, nisi adversa tempestate prohibeantur. IX. Pro suo discessu Angliæ navibus, aliisque ad deferendas copias destinatis portum intrare, atque eo solvere integrum erit, quin ulla ratione prohiberi valeant.

§. XXVI.

Carolus IX. Tutelam egressus a Rothomagensi Senatu declaratur.

Equidem Regina Galliarum Administratrix inter ceteros pacis articulos Condæ Principi sponderat, quod eidem supremam Regni totius administrationem sub Regis nomine deferre vellet, cum autem haud immerito timeret, ne auctoritas tam amplæ dignitati annexa sibi funesta accideret, hinc illum ab hoc munere exclusit, Regique auctor exstitit, ut se Tutorum potestatem egressum declararet: cum vero Rex nondum decimum quartum ætatis suæ annum penitus expleffet, atque aliunde Parisiensis Senatus nupero edicto, quod Rex tamen tanquam primam suæ potestatis functionem confirmare